



12. august 2009

UKA2009/59

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

Pisortanit pensionisiat pillugit Inatsisartut Peqqussutaata nr. 4-ip, 7. maj 2007-imeersup kingusinnerpaamik 2010-imi upernaakkut inatsisartut ataatsimiinnissaanni 2010-imi atulersussamik allannguutissamik Naalakkersuisut saqqummeeqqullugit peqquneqarnissaannik inatsisartunut aalajangiiffigisassatut siunnersuut, tamatuma kingorna kisimiittunut tunniunneqartartut utoqqalinersiat annerpaat siusinaartumik pensionisialinnut tamanut atuutsinneqalissapput, taassuma saniatigut siusinaartumik pensionisiat inooqatigisap aapparissalluunniit isertitaasa kingunerisaanik ikilissinneqarsinnaajunnaassapput.

(Siumup inatsisartuni gruppia)

Tunnngavilersuut:

Siusinaartumik pensionisiallit pillugit politikitta inuup naleqassusia aallaavigaa - tamatumalu toqqissisimaneq pilersissavaa. Sullissinermi pitsaassuseq pingaarnersaatinneqassaaq. Utoqqalinermi nuannersumik qiimasumillu inuuneqarsinnaanissamut periarfissaqartariaqarpoq.

Siusinaartumik pensionisiallit aningaasatigullu pitsaasunik atugaqarnissaat Partiit tamatta qineqqusaarutigaarput. taamaattumik maannakkut tamakkiullugu aamma siusinaartumik pensionisialinnut atugassarititaasut nutaamik aaqqiissuteqarfignarsariaqarpavut, siusinaartumik pensionisiaqarnikkut atugarisat tamanut naligiinnerusumik aaqqiivigalugit.

Siunnersuutigineqarpoq siusinaartumik pensionisiallit tamarmik naligiittut pineqalernissaat, siusinaartumik pensionisiallimmut aappaasoq isertitaqartillugu siusinaartumik pensionisiallimmut nanertuutaajunnaarlugu.

Aamma siunnersuutigaarput siusinaartumik pensionisiat amerlassusaat, utoqqalinersiutilinnut kisimiittunut, utoqqalinersiat tunnngaviusut amerlassusiattut amerlassusilerneqassasut. Tassa imaappoq ukioq 2009-imut missingersuutit aallaavigaanni, siusinaartumik pensionisiallit tamarmik immikkut ukiumut 116.600,00 kr.-inik annertussusilinnik pisasaqartinneqartassallutik, akit nikerarnerannut aaqqiissuteqarfigneqartartunik. Aningaasanut inatsimmi 2010-imi siusinaartumik pensionisiallit tamarmik 2.499 –unissaat ilimagineqarpoq aningaasartuutaasussanullu 167,7 mio. kr. missiliunneqarsimallutik. Siunnersuut akuerineqarpat akiliisussaaneq pillugu kommuninut isumaqatigiissuteqarneq naapertorlugu Namminersorlutik oqartussat aningaasartuutissaat 204,4 mio. kr.-nit missaaniissapput, taamaalilluni aningaasaleeqqiutaasussat 36,7 mio. kr. missaaniissallutik.

| | | | |
|--------------------------------------|-------------------------|------------------------|-------------------------------|
| Siunnersuutip | kingunerisaanik | aningaasaleeqqiutissat | Nukissiorfiit |
| ingerlatseqatigiiffingortinnerisigut | Nunatta | karsianiit | Nukissiorfinnut |
| sanaartugassatigut | nunatta | karsianiit | aningaasaliissutaasaraluartut |
| aningaasalersorneqarnissaat | siunnersuutigineqarpoq. | | ilaannit |